



Шочмо эл, порылык да чын верч!

Б У Д Ъ Г О Т О В /

16-шо (3767) №,
2026 ий 24 апрель,
кугарня



0+

Ямде лий

1933 ий 1 февраль годсек лектеш.

Сымыктыш түннүш ошкыл



15-17 апрельште Медведево тўвыра да каныме рўдерыште «Театральная юность Марий Эл» республикысе йоча театр коллектив-влакын открытый фестивалышт эртаралтын. Медведево, Оршанке, Морко, Звенигово района, Йошкар-Ола да Киров ола гыч уста ўдыр-рвезе-шамыч мастарлыкштым ончыктеныт. Оршанке посёлкысо тўвыра да каныме рўдерын «У Мурочки» образцовый театр-студийже (снимкыште) «Раз, два, три, четыре, пять... Машенька идёт гулять...» спектакль дене Гран-прим сенген налын.

– Спектакль кызытсе жаплан келшен толеш. Тудо йочам йолташ шенгек шылаш огыл, а ончылно лияш, ике вийлан ўшанаш тунькта. Машенькан рольжым модмемлан «Лучшая женская роль» дипломым кучыктеныт. Моткоч йывыртенам, – оила «У Мурочки» театр-студийыш коштшо Анфиса Столбунова.

Фестиваль кышкарыште латик спектаклым ончыктеныт. Артист койышан йоча-влак келшынам, ача-ава кокласе кыл, сар да ятыр вес келге темым авалтеныт.

– Йоча театрлаште мастарлыкым вияндыше икшыве-шамыч ике сомылыштым уло чон дене йоратат. Тидыже шинчаончалтышышт гычак коеш. Нуно йырышт моторлыкым шекланаш тунемт, уста койыш-шоктышан, илышын сылнылыкшым шижын моштышо улыт, – палемдыш М.Шкетан лўмеш Марий кугыжаныш драме театрын тўн режиссёржо О.Г.Иркабаев.

Оля МАЙКОВА.
Авторын фотожо.

Подписке

Пагалыме ача-ава, коча-кова, туныктышо, йоча-влак! 2026 ийын кокымшо пелийжылан «Ямде лий» газетлан подпискым ышташ вашкыза. Индекс – П4696. Ак: 517 тенгеат 86 ыр.

Редакций гоч газетлан возалташ лиш: ак – 200 тенге.

Подпискым ыштыше-влак коклаште лотерей модыштым эртарена. Квитанцийым редакцийышке колтыза.



Рекламе.

Акций

«Кумытлан тўлет – визытым налат» акцияшкешке ушныза. Альтернативный подписке йон (редакций гоч) дене пайдаланен, школан, книгагудылан кум газетым пөлеклыза, «Ямде лий» газет редакций эше кокытым ешара.



Пентгыде вашкыл

Шошо каникулым пайдалын эртаренна. Республикысе курчак театрын сцене шенгельсе илышыжым ужинна да «Ямде лий» йоча газет редакцийыште лийынна. Театр тўрлў курчаклан поян. Нунын дене кузе модаш кўлмў нерген мастер-классым эртареныт. Шкежат кидыш кучен онченна.

Йоча газет редакцийыште пеш порын вашлийыныт. Газетын илышыж дене палдареныт. Мыланна чылажат онгай лийын. Вет

ме шкежат заметкым, почеламутым, йомакым возкалена. Газетеш савыкталтмыштым вучена. Тўн редактор газет дене пентгыде кылым кучымыланна таумутым кучыктен (снимкыште). Ончыкыжымат шке пашана-влак дене «Ямде лийым» сўрастараш тўналына манын шонем.

Ульяна САВИНОВА.
Волжский, Пўтвьял школ пеленысе
Йоча усталык пўрт.
Фотом школ архив гыч налме.

Российысе увер

Кумдан чапланыше композитор Григорий Пономаренкон усталык корныжлан пўлеклалтше «А где мне взять такую песню?» всероссийский акцияш ушныза. Келшыше тангасым ойырен, «Культура для школьников. РФ» порталыште 20 май марте йодмашым пуыза.

Кумылан-влак ий еда 19 майыште «Сад – связь поколений» всероссийский акцияш кышкарыште пушенгым шындат. Тений мероприятий «Высаживаем сады – приближаем Победу!» ўжмаш почеш эртаралтеш.

«Знать. Любить. Гордиться» всероссийский конкурс икмыняр йыжынан. Регионысо этапыште йоча-влаклан шке кундемным шымлаш, «Больше чем блогер» тунемме курсым эрташ темлат. Тўрыс увер – morethantrip.ru сайтыште.

Сенгымаш дене пўртылынна

Шошо каныш жапыште «Светлячок» фестиваль-конкурсышто усталыкем тергаш пиал шыргыжалын. Тудо Угарман кундеммысе «Ласточка» йочан тазалыкшым пентгыдемдыме рўдерыште эртаралтын. Тушто «Газпромышто» пашам ыштыше ача-ава-влакын икшывышт канат. Конкурсышко 16 филиал гыч 200 утла уста ўдыр-рвезе погынен. Нуно тўрлў номинацийыште шкетын, дуэт,

ансамбль дене мастарлыкштым ончыктеныт. Морко район гыч мийыше йоча-шамыч (снимкыште) куштымашым, мурым аклымашке луктынна. Мый тыгай конкурсышто икымше гана лийынам, пеш келшен. Ме кокымшо верым сенен налынна да мыланна 25 тўжем тенгем кучыктеныт.

Дарья КИРИЛЛОВА.
1-ше номеран Морко школ.
Фотом еш архив гыч налме.

Марий Элысе увер

Медведево посёлкысо историко-художественный тоштерыште «Марий чодыран йомак ден легендыже-влак» ончер почылтын. Тушко республикысе кидмастар-шамычын шўдў утла пашаштым чумырымо. Уна-влакым 27 май марте вучат.

«Тыныслыкын йочаже» республикысе сўрет конкурсы онлайн йўн дене эртаралтеш. Паша-влакым 30 апрель марте колтыман. Тўрыс увер – Марий тўвыра рўдерын сайтыштыже.

Йошкар-Оласе Калык арвер да сымыктыш тоштерыште «Тошто ум шочыкта» ончер почылтын. Уста кидмастар-влак Алевтина Викторова ден Галина Школярован пашаштым 2 май марте ончаш лиш.



Палантай – калык чонышто

Кугу Какшан эгер серыште верланыше мотор Какшамари-йыште ятыр уста, тале ег шочын: марий семмастар, фольклорист Я.А.Эшпай, «У куралше» марий букварьын авторжо Н.Орлов, кугыжаныш пашаен, инженер-энергетик Г.Соловьев, лётчик Н.Ивановский да молат. Нунын коклаште ик эн кумдан палыме – марий профессионал мурылан тўналгышым пыштыше Иван Ключников-Палантай. 24 апрельште тудын шочмыжлан 140 ий темын.

Какшамарий школат ты уста енын лўмжым нумалеш. Тудын йоча пагытше нерген верысе школышто историй да обществознаний предметлам туныктышо Любовь Николаевна Майорова каласкалыш:

– Иван Степанович вич шочшан ешыште шочын-кушкын. Аваже Анастасия Яковлевна моторын мурен, кўсле дене шоктен. Тидлан икшывыже-шамычымат туныктен. Тудо Андрей Яковлевич Эшпайын шў-жарже. Иван поро кумылан, таза, пенгыде капкылан, кудыр ўпан лийын. Школышто «визытаным» веле налын. Талантан улмыжлан кўра гармонь дене шокташ писын тунемын. Лу ияшыж годымак «Ўдыр сыра» касышке ушнен. Сылне сем дене калыкым куандарен. Но йоча пагытше куштылго лийын огыл. Окса чўдылыклан кўра лу ияшак шолым волтымаште тыршен. Палантай – тиде шоя лўмжў.



Л.Н.Майорова да «Юный краевед» кружокым коштышо ўдыр-рвезе-влак.

Иван Степановичын туныктышыжын кочаже тыгай лўман лийын. Тудым пагален, тыгай псевдонимым налын.

Иван Степанович марий тўвырам вияндымашке кугу надырым пыштен. Икымше марий профессионал хорым чумырен. Уста ег хорлан ятыр произведенийым возен да шуко марий калык мурым келыштарен. Марий автоном областын вич ияш лўмгечыжлан «Йывырте» мурым серен.

И.С.Ключников-Палантайым калык кызтатат кугешнен шарна. Тудын лўмжым шочмо ялысе, рўдоласе уремла, тўвыра да сымыктыш колледж нумалыт. Йошкар-Олаште тудын тоштер-пўртшў уло, Чавайн бульварыште памятникым шогалтеныт. Шочмо Какшамарий школжо ваштареш Палантайлан памятникым, школ пырдыжеш шарнымаш онгам веранденыт.

– Йоча, уна-влак коридорысо стендыште тудын нерген уверым

Палантайын Краснококшайск педтехникум пеленысе хоржо 1923 ийыште Совет Россияысе хор-влакын икымше олимпиадыште кўкшў мастарлыкым ончыктен да М.Е.Пятницкийын хоржо деч вара кокымшо верым сенген налын. Могай кугу сенгымаш!

лудын кертят. Тоштерысе ик залыште Иван Степановичлан лукым пўлеклыме. Чаманен каласаш логалеш, ик арвержат мемнан дене огеш аралалт. Ме кажне ийын «Палантаевские гусли» фестивалым эртарена. Самырык тукым шарна гын, тудын лўмжў курымла дене калыкын чоныштыжо илаш тўна-леш! – ойна Любовь Николаевна.

Христина АЛЕКСАНДРОВА.
Звенигово район.
Фотом школ архив гыч налме.

Келшен илыман



Республикыштына руш, марий, чуваш, одо да ятыр вес калык шукертсек келшен ила. Матародо школышто икте-весе кокласе вашкылым пенгыдемдаш манын, ятыр мероприятийым эртарат. Эртыше арнян татар-шамычын илыш-йўлашт дене палдареныт. Ты арнясе мероприятийла чуваш калыклан пўлеклалтше лийыныт. Советник пашам шуктышо Л.А.Князева калык кочкыш, пайрем, модыш, вургем нерген каласкален (снимкыште).

Ум пален налаш онай. Тўвыраште ятыр икгайлык уло улмаш. Южо шомакат иксемын йонга. Тидым эскераш пайдале.

Елизавета МАЛИНИНА.
Параньга район.
Фотом школ архив гыч налме.



Элекэнгер

Мыйын шочмо Марий Эл
Сылне, чапле, мör гай ал.
Шочмо ялыштем илем,
Тыште ший суртем, ешем.

Ший вудан Элекэнгерем,
Тый денет мый кугешнем.
Пагалем сай пошкудем,
Шке ешемланак шотлем.

*Елизавета ВАСИЛЬЕВА.
Морко район.*

Шүрашэнгер

Легенде

Ожно тиде ял олмышто кугу чодыра гүжлен шоген. Шонгыен-влакын ойлымышт почеш, тиде верыште, кожер коклаште, энгер йоген. Икана изак-шоляк тиде энгер гоч вонченыт. Шолбыжын кидыштыже шүраш котомка лийын. Тудо сайын кутырен моштен огыл. Вүд гоч вончымышт годым котомкаже энгерыш пуренгаен. Изи эрге чот лүдын. Изажлан умылтаращ төчен. «Шүраш энгерыш кайыш», – манын. Тылеч вара Шүрашэнгер лүм кодын. Ялымат тыгак лүмденыт. Кызыт Шүрашэнгер – мотор, кугу ял.

*Матвей ЗОРИН.
Шернур округ.*

Сылне ялем

Шочмо ялем – Кожласола. Тудо мотор вершöрыштö верланен. Ял деч тораште огыл чодыра гүжлен шога. Тушто шуко түрлö пушенге кушкеш. Кенезым емыж-саскам погена, а шыжым – понгым. Ял воктене Изэнгер йога. Ял шенгелне куп уло. Тушко кочам дене коктын колым кучаш коштына. Икана кугу кол логалын, пеш куаненам. Вашке ялем ужар сывын дене леведалтеш: пушенгылаште лышташла шарлат, түрлö пеледыш пеледалтеш. Тунам шочмо верем утларак сылнештеш.

*Илья АНДРЕЕВ.
Волжский округ.*



«Түрлемүдыр» студийыште.

Чавайн кундеммыш корно

*«Арын, Чодыраял, Чевернур,
Уло кок Корамас, Чавайнур.
Пүртүснаже сöрал ото гай,
Мемнан дек родыла толын кай».*
Василий Крылов.

Чавайн кундем – кумдан чапланыше поэт, марий литературлан тўналтышым пыштыше Сергей Григорьевич Чавайннын шочмо вержым калыкыште тыге маныт. Ёдыр-рвезе-влак, Морко районнын ты лукышкыжо каникул годым миен толза.

Эртыкым аралыше тоштер

Чавайнур ял покшелне С.Г.Чавайн лүмеш сылнымут да этнографий комплексын кок оралтыже верланен. Иктыже – поэтын суртшо. Тудым марий сылнымутын пионерже 1925 ийыште чонаш тўналын, 1926 ийыште ешыж дене илаш куснен. Тудым 1961 ий 15 октябрьыште тоштер-пöртыш савыреныт. Тушто фото, книга ден журнал, поэтын кажне кечын кучылтмо арверже да молат аралалтыт. 1988 ийыште Чавайннын 100 ияш лүмгечыжлан кокымшо оралтым почыныт. Тушто марий калык нерген палдарыше тўжем утла экспонат шке вержым муын.

«Түрлемүдыр» да молат

Пошкудо Чодыраялыште «Түрлемүдыр» студий дене палыме



С.Г.Чавайннын тоштер-пöртышö.

лийза. Кидмастар-влак тысе калыкын тувыржо, түр ойыртемже дене палдарат.

Арын кыдалаш школын историйже, чапланыше выпускникше-влак нерген пален налнеда гын, школ пеленысе краеведений тоштерым ончал савырныза. Тöнеж тораште огыл.

Памаш вүдым подылза


Умбакеже корно Христос шочмо лүмеш Арын черкыш нангая. Республикыште чоналтше черкыла коклаште икымше радамыш пура (1752 ий). Кызыт йоча-влак Рушарня школыш погынат.

Экскурсий дене толшо-влаклан памаш декат миен толаш сай. Тудо Арын ял покшелне верланен. Тамле вүдым подылын, чурийым шүалтен, Чавайн кундемлан тауштен, вес гана уэш вашлияш келшыше вер.

Оля МАЙКОВА.

Фото-влакым студийын да тоштерын архивышт гыч налме.

• Ребус •



’ Ж



Чын вашмутым пуэда гын, Марий Элысе районнын лүмжым пален налыда.



Ончыкылык артист

ланыше тўвыра пөрт пеленысе «Пеледыш» ансамбльыш коштеш. Ёдыр шкетынат мура, утларакше такмаклан шўман. Ятыр конкурсышто сенгыше лийын.

– Мый чўчкыдын сценыш лектам, туге гынат кажне гана тургыжланем. Но кунам совым кырат, порын шыргыжалыт, ўмбакет йўлышў шинча дене ончат, кумыл нёлталтеш. Тыгодым калык деч кугу энэртышым шижам. Калыкым куандарен кертам гын, пиалан улам. Тидак артист лияш кумыланда, – палдара Юлиса.

Палыме лийза – Юлиса Тосаева (снимкыште)! Ты ойыртемалтше лўм ден фамилийым лудмеке, тиде ала-могай артист, шоналтышда, очыни. Чын, тиде Башкортостан Республик Калтаса район Ёлыл Качмаш школын шўдыржў, ончыкылык мурызо, артист.

Чолга ўдыр изинек марий муро йўкеш кушкын. Аважат, изажат сайын мурат. Юлиса изинек сценыште мастарлыкшым ончыкта. Шочмо Кўкыш ялыштыже вер-

Ўдырўен сценышке муро дене веле огыл, тыгак марий, руш почеламут дене лектеш. Эше марий йомакымат наизусть каласкала. «Здравствуй, здравствуй, сказка» тўнямбалне илыше калык-влакын йомакыштым лудмо районысо конкурсышко ий еда ушна да сенгышыш лектеш.



– Мый марла, рушла, татарла мурем, почеламутым лудам. Кажне йылме ойыртемалтше да шке семынже мотор. Но шочмо марий йылме чонемлан энлишыл. Тудо йыргыктыше памашгай. Марий улмем дене кугешнем. Тыгай йўратымашым чонышкем ача-авам шындареныт. Нуно мыланем марий фамилийым пўлекленыт. Виян улмем кок пачаш шижам. Ача-авамлан тауштем, – ойла Юлиса Тосаева.

Христина АЛЕКСАНДРОВА.
Фотом еш архив гыч налме.

Тунемаш – калык вургем дене

Республикыштына поро йўла уло. Кажне ийын апрельын кумшо кугарнянже да сентябрьын кокымшо кугарнянже Башкортостан Республикыште илыше калык-влакын калык вургем кечыштым палемдат. Кызыт «Я учусь в национальном costume» акций эртаралтеш. Тунемше ден туныктышо-влак тунемме тўнежыш школ формо олмеш калык вургемым чиен толыныт

(снимкыште). Кузе сўралын койыт, чылт тўрлў тўс дене волгалтше пеледышан олык!

Тыгай пайрем йўлам аралаш, шочмо калык дене кугешнаш тарата. Акий годым эртаралтше тўрлў мероприятий, ончер тыгак шинчымашым келгемдаш полшат.

НА.БЕЛЯЕВА.

Башкортостан, Балтач,
Ёлыл Йыванай.

Фотом школ архив гыч налме.




Кочам – ечызе

Кочам Анатолий Григорьевич Дмитриев (снимкыште) шуко йочан марий ешыште шочын. Изиж годсек чолгалык дене ойыртемалтын. Кушкын шумекыже, сурт-печым шке чонен, сурткўргысў мебелы-мат ыштен. Кызыт коча-кова дене пырля ты пўртыштў меат илена.

Кочамлан – 67 ий. Кажне эрдене капкылжым лывырта, зарядкым ышта. Кенгежым куржталеш але велосипед дене кудалыштеш. А телым кажне кечын ече дене 30 километрым эрта. Анатолий Григорьевич тўрлў танасымаште вийжым терга. Республикысе кўкшытыштат ятыр гана сенгышыш лектын.

Кочам гармоньым шокташ мастар. Мый туддене кугешнем да примерлан шотлем.

Александра НИКИТИНА.
Татарстан, Агрыз, Буймо.
Фотом еш архив гыч налме.






Нине пыжашлаште могай кайык-влак илат, пале.



• Марла-рушла мутер •

- Шогертен – сорока.
- Порткайык – воробей.
- Турий – жаворонок.
- Ўжүвүр – иволга.
- Шүшпык – соловей.
- Турня – журавль.
- Йүксө – лебедь.
- Вараксим – ласточка.
- Шемгорак – грач.

Сүрет-влакым кайык лум дене ушо.



• Тушто-влак •

- Парнявуй гае веле, семым луктеш.
- Тыш тыртыш, туш тыртыш – вожын поч.
- Нерже ошо, шкеже шеме.
- Шкеже пеш изи гынат, но пыл лонгашкат күзен кертеш.

Шошын унаже

Шошым шемгорак-влак кондат, вара шырчык толеш. Тудын почеш турий, варсенге, курныж, йүксө, комбо, лудо, чарланге, турня чонештен толыт. А майыште шокшо элла гыч вараксим, шүшпык, ўжүвүр толеш тўналыт. Шулдыран тагна-шамыч толын веле шуыт, вик пашалан пижыт: пыжашым оптат, ямде омартам келыштарат. Мутлан, турий мланде ўмбалан шудо коклаште пыжашым ышта, шемгорак – кўкшө пушенге вуйышто. Лого пыжашым изи кожеш але лўмегож вондереш опта,


Лаштыкым Медведево посёлкысо 6-шо номеран «Онгыр» йочам виангыме рўдерын кугурак воспитательже Ольга Валерьевна КАЗАНЦЕВА ямдылен.



вараксим корем серлаште рожым шўткала, шырчык омарташ шырчык «илаш» пура.

Шырчык омарта лач Россияйыште шочын. Йошкар-Олаште шырчык омарталан икмыняр арт-объект уло: Ленин проспектысе Пўнчер отыш пурымаште «Кайык ял» да Сенгымаш паркыште «Кайык ола».

Вараксимлан пыжаш марте чонешташ полшо. Йошкар точко гыч тўналын, стрелке почеш кай.



«Турий» модыш

Шотлеммут почеш Турийым ойырыман. Тудо йоча-влакын йыр авырен налме онго покшеке шогалеш. Кидыштыже – онгыр. Йоча-влак пырля тыгай почеламутым ойлат:

*Кече дек турий күзен,
Йынгыр семын муралтен.
Кўшнө пўрдын савырнен,
Сылне мурым йомдарен.
Мурыжо волен каен.*

*Сылне мурым кў муэи,
Весела эре лиеи.*

Тыгодым Турий онго йыр куржталеш. Почеламутым лудын чарнымеке, йоча-шамыч шинчаштым кумат. Турий онго гыч ордыжкө лектеш. Онгыржым рўзалта да иктаж-кўлан пуа. Турий онгырым кычалаш вес йочам ойыра. Тудо, онгыр йўкым колыштын, кў дене улмыжым палышаш.


• Палаш огай •

- ✦ Порткайык мландымбалне ок кошт, кокийола тўрштылеш.
- ✦ Корак визыт марте шотлен кертеш.
- ✦ Вараксим ик шагатыште 120 километр писылык дене чонештен кертеш.
- ✦ Шемгорак айдемым шарнен кодеш да тудым пукшышо деч лўдмым чарна.
- ✦ Куку ик шагат жапыште 30-40 тўжем наре пу шукшым пытара.

Шарне!

- ! Кайык – мемнан йолташна.
- ! Кайык муным ит тўкө!
- ! Кайык пыжаш дек лишке ит мий!

Шотлымо тоя гыч кайыкым чога.





Волгыдо пайрем

12 апрельште Морко тўвыра пörтыштö «Пасхальный звон» районысо пайрем-фестиваль эр-таралтын. Порылык, йöратымаш дене темше волгыдо пайремыш шуко калык погынен. Морко посёлкысо 5-ше номеран йоча-

сад гыч ўдыр-рвезе-влак (снимкыште) «Как у наших ворот» руш калык куштымашым ончыктеныт. Сценыште моткоч устан койыныт.

С.В.ЕМЕЛЬЯНОВА.

Фотом йочасадын архивше гыч налме.



Историйым шергалына

1945 ий 25 апрель-ыште Эльбыште совет да американ войска-влак вашлийыныт.



Электротулым аныктыза



Вика ПОПОВАН сўретше. Йошкар-Ола, 1-ше номеран школ.

Писын ойло

- Варвара ден Вералан ведра вўд вереште.
- Мече, пече, кече.
- Латкок подкогыльо.



Эколята улына!

Российште 25 апрельште «Эколята-влакын кечыштым» палемдена. Йошкар-Оласе 80-ше номеран «Ўжара» йоча-садыш коштшо нбога-шамычат öрдыжеш кодын огытыл. Пүртү-сым аралыме йодышлан кугу верым ойырена. Лум шулымеке, йочасадысе кудывечыште арулыкым ыштена. Кажне кушкы-лын иланымыжым, пеледы-шын сылнын пеледмыжым

эскерена. Йоча-влак дене пырля тўрлö акцийышке, конкурсыш-ко ушнена. Мутланымашым эртарена, сўретым сўретлена (снимкыште). Икшыве изинек кажне пагытым эскерен куш-кеш, сылнымлыкым умылаш да аклаш тунемеш гын, ончы-кыжым пүртүсын лишыл йол-ташыже лиш.

Надя ГОДУНОВА.

Авторын фотожо.

АГА		МАЙ	
5 вт	ЗАПИСКИ ЮНОГО ВРАЧА По рассказам М. Булгакова	М. Булгаков	12+ 1 ч. 25 м.
6 ср	СПАСТИ КАМЕР-ЮНКЕРА ПУШКИНА История одного несостоявшегося подвига	М. Хейфиц	12+ 1 ч. 45 м.
7 из	КЕНЕЖ ЙЎД /Летняя ночь Музыкальный комедий	Н. Арбон	12+ 2 ш. 30 м.
13 ср	ЗАПИСКИ ЮНОГО ВРАЧА По рассказам М. Булгакова	М. Булгаков	12+ 1 ч. 25 м.
14 чет	СВОБОДНАЯ ПАРА Комедия	Дарина Фл., Франко Росс	12+ На русском языке
21 из	ЮМЫНЎДЫР /Дочь Бога Мюзикл	Н. Пушман, С. Федорова	6+ 2 ш.
22 вт	СВОБОДНАЯ ПАРА Комедия	Дарина Фл., Франко Росс	18+ На русском языке
26 вт	ПЕСНЬ СЕМИ ВЕТРОВ Танцевальный спектакль	Ансамбль Кавказских танцев «АМАНАТ» им. Ш.А.Гаррадова	3+ Рекламе.



0+

Марий Эл Республикысе «Марий Эл» увер агентстве» КАУ.
Директор – Е.И.КУЗНЕЦОВ.
Тўн редактор – А.Н.ГРИГОРЬЕВА.

Индекс П4696.
Тираж 1500 экз.
Заказ
Формат – А-4-8.

Учредитель-влак:
Марий Эл Республикысе Тўвыра, печать да калык-влакын пашашт шотышто министерстве, Марий Эл Республикысе «Марий Эл» увер агентстве» КАУ.

Редакций да издатель: Марий Эл Республикысе «Марий Эл» увер агентстве» КАУ, 424006, Йошкар-Ола, СССР Вооружённый Вийын 70-ше идалькыш урем, 20-шо пöрт. Тел. 8(8362) 45-22-82.

Газетым редакцийыште погымо да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112. Печатьыш пумы жап – 14-00, фактически – 13-00.

Авторын да редакцийын шонымашышт тўрлö лийын кертыт. Серыш-влак мөнгеш огыт колталт. Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru (автор-влаклан)
Сайтын адресше: ямделий.рф

У конкурс



Ксения ден
Камелия СТЕПАНОВАМЫТ.
Параньга, Олор.



Дарья ИВАНОВА ден
Анна АБРАМОВА.
Кужэнгер, Шудымарий школ пеленысе йочасад.



Савелий БЛИНОВ,
Степан ТАРАСОВ да Максим ИВАНОВ.
Параньга, Олор.

26 апрель – Марий талешке кече.




Егор БУСЫГИНЫН сүретше. Шернур, Лажвъял.

Урлан келшыше
ўмылым муза.



Шотлыза.



Сүрөтүм ончен,
точко-влакым ушыза
да ламам чиялтыза.

